

# ANA ITERANIBA AONON TE BETEBEKE

TE RONGORONGO MAN TE BERETITENTII N TE AONO

## Karaoi Bwaai Bwa ana Riki

Iroun Unimwaane Kevin W. Pearson

kakoaua bwa iai teniua aekakin aomata n te aonaaba, naake a karoai bwaai bwa a na riki, naake a tarai bwaai bwa ana riki, ao naake a mimi bwa tera ae riki! Te rongorongo ni kabuta aei e kona n riki bwa te bwai ni kabotau ae kakawaki irouwia kaain te Ekaretia aika mwaiti bwa te rongorongo ae kakaongora n te Ekaretia n te mwakuri ni mitinare—te kainaoaki nakon te mwakuri ni mitinare ae bwanin taina. Aio te tai ibukiia kaain te Ekaretia ni kabane bwa Ana Karaoi Bwaai Bwa ana Riki!

N tokin 2013 e na bae n raka iaon 90,000 mitinare aika bwanin aia tai ni beku, e kaan taboro te mwaiti ae beku teuana te ririki n nako. Ni kabane ni kabuta te Ekaretia riki ataeinimwaane ao ataeinaine, a kaeka n te nambwa nakon ana wewete ni burabeti Beretitenti Thomas S. Monson bwa ana beku. Noran mwiin te mwakuri ni mitinare aei e a roko nakon mition ni kabuta te aonaaba. Ibukin aei, 58 mition aika boou aika tibwa kateaki inanon Turai. Akea ngkekei te taanga ni mitinare ae bubura, ke ni kaainaki irouwia mitinare n aine aika mwaiti. Aikai taai aika akea kabotauaia, ao taai aika akea kabotauaia a karikia aomata aika akea kabotauaia!

Ti ataia bwa a kanga kairake n te Ekaretia ni kaeka nakon ana wewete Beretitenti Monson bwa ana beku; te tiriraki bwa a na kanga nikiraia membwa ni kaeka? N te Katanieiai ni Kairiiri ni Kabuta te Aonaaba ae tibwa karoaki man te Tiemina iroun te Beretitenti n te Mition ae Boou ao te Moan ni Beretitentii ao Kooram n Abotoro n te Tengaun ma Uoman n taabo ni kabane, ni katea ao n ira rikiraken te taanga ni buaka ni mitinare ao ni bwaina te “kantaninga ae ti teuana.” E taekinna Beretitenti Monson: “Aio te tai ibukia membwa ao mitinare ni bane ni bootaki, ni uaia ni mwakuri, ni mwakuri n ana onaroka te Uea ni uoti tamnei Nakoina. E a tia ni katauraoa te kawai ibukira bwa ti na tibwaua te euangkerio ni kawai aika mwaiti, ao E na buokira n ara mwakuri ngkana ti na karoai n te onimaki ni kakoroi nanon Ana mwakuri.”<sup>1</sup> Ni boni koauana te Uea e kawaekoai Ana mwakuri nakon taia!<sup>2</sup>



Unimwaane  
Kevin W.  
Pearson

### Tera ae a Nooria Burabeti ao Taan Mamata?

Ibukin nimaua te ririki n nako, ana wewete ni burabeti Beretitenti Monson n “nako ni kamaiu” e a tia n riki bwa te wewete ae matata nakoia taan kairiiri n te nakoanibonga ao ni bootaki n tabo ni kabane ni uotia rikaaki nakon waaki ni kakukurei kaain te Ekaretia aika aki rangin ni kakaonimaki ao ake aki kakaonimaki. Ibukin teniua te ririki n nako, e a tia te Beretitentii n te Aono ni kamatai reirein te “rikirake ni koaua” ao te rairaki ni koaua ae nano rinanon kara-an ao kawakinan berita aika tabu. Ni kabuta Aonon te Betebeke, ao a mwaiti taan kairiiri aika a tia ni karekea tamnein te kamaiu ao n tia n rinanon te tokanikai ae tamaraoa ni buokia n tatabemania ao utu n oki nakon kakabwaia ni mai-uakinan te euangkerio. Ngkai kauntira n te uoote ao n te titeiki a botaki iaan kaetieti mai ieta ni kingin te nakoanibonga, bwaai aika akea kabotauaia a mona n riki. E kanakoa te Uea te mwakuri ni mitinare aei bwa e na buokia taan kaiirii n te nakoanibonga ao ni bootaki ni kawaekoa te kamaiu? Aio naba te wewete ni kamaiuia riki te roro ae rikirake ni karekeia riki ataeinimwaane ao ataeinaine ni katauraoi ni beku ao n riki n rairaki rinanon oin aia mwakuri ni mitinare? E na kanga te bwai aei ni bitia taan kairiiri n te Ekaretia n te roro are imwiina ao ni katauraoa te Ekaretia ibukin te rikirake ae teimatoa nakon taai aika ana roko?

### Bwaai Aika Ana Ataaki Ibukin te Kainaoaki

1. Te kainaoaki nakon te mwakuri ni mitinare e na aki teimatoa. Inanon 18–24 namwakaina n te moan ao te kabanea ni bubura ni mwaiti n te mitinare a na bane n toki. Mwaitia mitinare ake a beku a na aki manga bubura riki. Ti aki kona n tataninga, ti kainnanoia bwa a na bane ni karoaki bwaai NGKAI. A riai kauntira n te uoote ao n titeiki ni waekoa ni waaki ni kabongana raoi te bwai aei “taai ni mitinare” ni kakoaua bwa mitinare ake a kanakoaki nakon aia uoote a katabeaki ao ni kabonganaki raoi. Taan kairiiri n

te mition n te uoote ngaia bon boton te mwakuri, ma te katabeaki e tiku iroun te bitiobi ao te kauntira n te uoote. Ni kabane uoote a kainanoi babaire n te mition ni kabonganaraoi te kainaoaki nakon te mwakuri ni mitinare. A riai taan kairiiri n te nakoanibonga ao ni bootaki ni kaira ao ni karaoi bwaai. Ti kaungaia Uoote ni kabane n aki katabea te tairiki teuana n te wiiki, ni karoko nakoia naake aki rangin kakaonimaki ao ni kaoia bwa ana oki.

2. Te mwakuri ni kamaiu e nanonaki aomata ni kabane. A mwiokoaki Mitinare ao membwa ni kabane ni "uotia tabeman nakon Kristo"<sup>3</sup>, n raonaki ma membwa aika tiaki kaain te aro, membwa aika aki rangin kakaonimaki, ao membwa aika a kakaonimaki. E aki karaoa te kakaokoroaki te Uea nakoia Natina, ni kabane a batu n tangiraki. A riai membwa ao mitinare n riki bwa "teuana n te kantninga". Unimwaane Neil L. Andersen e kamatata: "Ti uaia ni mwakuri n te onimaki ao n te katiteuanaki, te onimaki bwa te Uea e na kairiira ni kawaira, ao te katiteuanaki imarenara ao mitinare, a kateimatoaki n tainako n ara tangira Ibukina, ara tangira ibukira n tatabemanira nako, ao ara tangira ibukia ake ti beku ibukia."<sup>4</sup>

N te 1999 Beretitenti Gordon B. Hinckley (1910–2008) e reirei, ma te mwakuri korakora imarenaia membwa ao mitinare ti kona ni kataboroa mwaitin te bwabetito.<sup>5</sup> Ti tebo naba ma kaokakiia ni koaua. Ma te mwakuri korakora imarenaia membwa ao mitinare ti kona ni kataboroa te mwaiti n tatabemania ao utu ni kaokia nakon te Ekaretia.

3. A weteaki mitinare bwa ana buokia membwa ni karaoa aia mwakuri ae tabu n "nako ni kamaiu" ao n tibwaua ana euangkerio Iesu Kristo. Ti aki tuangaki bwa ti na buokia mitinare. Ma ti tuangaki bwa ti na buoka te *Uea* ni kawaekoa ana mwakuri ni kamaiu. A mena ikai mitinare bwa ana buokira. Aki kainnanoira bwa ti na kamwarakeia. Aki baki ibukin te amwarake. A baki ibukia aomata bwa ana reireia! A tangiria n tainako mitinare n reirei ma membwa ao n amwarake ma membwa. Bon te tai ni katabeaki ma te

mwakuri ni mitianre ao tiaki ti tararuakia mitinare. Ti a beku ma ngaia. Te kainaoaki nakon te mwakuri ni mitinare irouia aine e na kariaia taan kairiiri n bootaki nako ao aine n te uoote ni karaoi mwakuri aika tamaroa n te kawai n rairaki ao ni manga kaokaia.

4. Tienta ni kataneiai n te mition aki kona ni katauraoia mitinare inanon uoua te wiiki; a riai n roko n tauraoi riki. E nanonaki bwa te mweenga e riai ngkai n riki bwa te TKM ae boou. A tia karo ni karekea te katabeaki ae tabu bwa ana "reireia aia ataei bwa ana atai reirei"<sup>6</sup>. Ti kona ni buokia ara mitinare n tauraoi riki man kabonganakin *Tataekina Au Euangkerio* n te mweenga ni buokiia ni kaotaia n reirein te euangkerio ao te mwakuri ni mitinare. Ti kona ni buokia n tangira ao n ota n Ana Boki Moomon ao tabena ae kakawaki n te rairaki, ni moanaki man oin rairakia, imwain are a rin n te tabo ni mitinare. Ti kona ni buokia ataeinimwaane ao ataeinaine n tau ao n tauraoi nakon te tembora imwain te mwakuri ni mitinare ao ni karinei berita n te tembora aika tabu. Bootakin te utu n te tairiki ao te wareware n utu ni booki aika tabu e a tia n aki rangin kakawaki. Kaaro moanna ni katauraoia ami ataei ni moantai—ao tai bwara n nano.
5. Te karikuram ibukia kairake aika boou, n ikotaki ma bitaki n te ririki ae tangiraki ibukin te mwakuri ni mitinare ae bwanin taina bon te kakoaua ae itiaki n nanon te Uea ni kakorakoraia ao ni katauraoia te roro ae rikirake. E rangin ni kawaekoa Ana mwakuri ibuakoia kairake n te Ekaretia n tiaki arona ni kawai. A tia n tuangaki bwa ana waerake ao n riki bwa te "ota nakon te aonaaba."<sup>7</sup> E nanonaki aei bwa kaaro, taan kairiiri ao taan reirei bwa ana waerake irouia ao n riki bwa taan kan reireinaki aika nakoraoi, n te aro bwa ana riki bwa taan reirei aika nakoraoi riki. A kainnanoira bwa ana karaoi bwaai bwa ana riki.

### **Ana Kanga n Tatabemania ni Karaoi Bwaai Bwa ana Riki?**

Te moan ao ni moanna, ti kona ni maiuakina te maiu ae tamaroa ake a kaota ana reirei te Tia

Kamaiu ao “kariaia ara ota bwa ana ota mwaaka bwa aonga tabemaan n noori ara mwakuri aika tamaroa”<sup>8</sup> e na anganaki te Tia Kamaiu. Te kauoua, ti kona n tataro ni katoabong ibukin te tai ae ti na tibwaua iai te euangkerio. Te Tama are i Karawa e na ongo ao e na kaekai tataro aikanne. Te kateniu, taan anganano bwa ana nako ma mitinare n te tai ae baireaki n “tibwauaki” ni kawari membwa aika aki batni kakaonimaki, ibuobuoki n te mwakuri n ibuobuoki ao n reireiniia aika tibwa reireinaki ke n riki bwa raoraoia membwa aika boou. Ti kona n tibwaua ara koaua ao n anai nanoia ara taan anai rongorongo n te Ekaretia ibukiia raoraora ao ara utu. Ti kona n rangin ninikoria ao “n ti titirakina” temanna bwa e na roko nakon mwengara ibukin te bootaki n utu n te tairiki, nakon ana waaki ni kakukurei te Ekaretia, nakon te mwakuri ni bwabetito, ke nebonebo n te Tabati. Ngkana ti karaoia ma te tangira, n ukoukora ana iraorao Tamnein te Uea, E na karaoi bwaai bwa ana riki rinanora.

Aikai berita “ni boong aika kaitira”<sup>9</sup> ngke e berita te Uea bwa e na bobotia kain Iteraera ibukin te kabanea n tai. Ti kona ni karekea te koaua bwa te Tia Kamaiu, Iesu Kristo, e tei bwa atun Ana Ekaretia ao ni kaira te tai ae kainaoaki aei ibukin te mwakuri ni mitinare. Ti kainnanoi ngkai, bukina bwa E a tia ni “katauraoa te kawai ibukira ni kakoroa nanon te bwai are e a tia n tuangira bwa ti na karaoi.”<sup>10</sup>

Naake iai “mataia n taratara ao taningaia n ongo”<sup>11</sup> a kainnanoia bwa ana aki mimi n te bwai ae riki. Naake iai nanoia ni karaoa te onimaki iroun te Uea Iesu Kristo ao n irria Ana burabeti ni boong aika kaitira ana aki anaki nanoia n ti tarai bwaai aikai bwa ana riki. A kaungaki man ara tangira ibukin te Tia Kamaiu ao ni kabane natin te Tama, ngaira n tatabemanira nako ti kona n ibuobuoki ni karaoi bwaai bwa ana riki. Ti kona n riki bwa mwakoron te mwakuri nakon kainaoakira aei. Ti kona ni karaoa te kaokoro ae bubura. Ti kona ni kairoroaki iroun te Tamnei ni kinaia naake a tauraoi ni karekea te euangkerio. Ma te tangira ni kona ni kaoia bwa ana “roko ao n tara”<sup>12</sup> ao ni karekea ataakin kakabwaia n te euangkerio. Ti kona ni karoko irouwia. Ti kona n riki bwa taan kamaiu. Ti kona n “tei bwa taan kakoaua ibukin te Atua n taai nako, ao ni bwaai nako, ao

n taabo nako”<sup>13</sup> ao ni karaoan aei ao e na kakoroi nanon bwaai ni kabane te Uea rinanora. I kaota au kakoaua iaon koauan bwaai aikai. ■

#### BWAAI AIKA ANA TARAAKI

1. Thomas S. Monson, *Te Mwakuri ni Kamaiu: Te Kanakobwana Ibukin te Kairiri ni Kabuta te Aonaaba*, Tuun 23, 2013, hasteningthework.lds.org.
2. Doctrine and Covenants 88:73.
3. *Preach My Gospel*, Missionary Purpose, Chapter 1.
4. Neil L. Andersen, *The Work of Salvation: Worldwide Leadership Broadcast*.
5. Tara Gordon B. Hinckley, “Kakaeia Tiibu, ao Kamwarakeia,” *Ensign*, Meei 1999, 104.
6. Doctrine and Covenants 68:25.
7. Doctrine and Covenants 103:9.
8. Topical Guide, “Last Days”, “Latter-days”.
9. 1 Nibwaai 3:7.
10. Mataio 13:16, Mareko 8:18.
11. Mataio 5:16.
12. Ioane 1:39.
13. Motiaeia 18:9.

#### ITERANIBWA IBUKIN TE AONO

## Te Ekaretia e Reitaki ni Mwakuri ma te Tautaeka ni Kiribati ao GAVI ni Bwainaorakia Ataei aika uarereke

#### Tarawa, Kiribati—

Temanna n aman te mate irovia ataei aika uarereke i Kiribati a reke man te numonia, n aron are e taku Nei Tikua Tekitanga man te Botaki ni Kuakua.

Ni kaekan te ware ae rangi ni kananokawaki aio, Ana Ekaretia Iesu Kristo ibukiia. Aika Itiaki ni Boong aika Kaitira e raona te Tautaeka ni Kiribati ao te Global Alliance ibukin te Vaccines ao Immunisations (GAVI) n te namakaina ae nako ni itinakiia bwainaorakia ataei iaan te roro ae 12 te namwakaina. Kiribati bon te moan aba n te Betebeke n reke buokana man ana babaire te GAVI.

Burentia Kaiea, te manatia n te kamweraoi n te LDS i Kiribati, e kaira ana irekereke te Ekaretia are inanona bon kammwakuraia ana aomata te Moomon aika anganano inanon moan Meei ni katanoata nakon te botanamata totokoan te aoraki ni kabuta te aba.

Taan tia taetae n tain te kambein ibukin katokan te aoraki are e karaoaki ni Meei bon Nei Tikua Tekitanga man te Botaki ni Kuakua, Nei Nuzhat Shahzadi man te UNICEF, Dr. Raj Kumar man GAVI, Dr. Jayaprakash Vailiakollerli man te World Health Organization ao ana tia tei te LDS, Unimwaane DeMoine Findlay. ■

# Te Onimaki ao te Tataro a kamaeuaki ao n tokanikai taan akawa inanon 100 te Bong ni Betinako

Kareke Rongorongo man te Mormon

Ukenio Kaobunang ao raona n akawa Teibouri Kakau a kamaiuaki irouwia kaimoan Tiaban n te booti n akawa irarikin Ponape ao te Federated States of Micronesia n 15 ni Meei. A kitana Tarawa, atun te Tautaeka ni Kiribati, n 4 n Beberuare.

“Au onimaki iroun Tamau are i Karawa ao Iesu Kristo e a kairai rinanon te kangaanga,” e taku Kaobunang man ana ibuobuoki te tia raitaeka.

“A reke maiura man taian ika ake ti konai n taui, ao te ran ni karau. N tabetai ti a kona ni maiu n akea ranin te karau

n te maan ae teuana te wiki.”

N iangoia bwa e a tia ni mate Kaobunang, ana utu a karaoa te mwakuri n rainanoanga. Natina te mwane, are e karaoa ana mwakuri ni mitinare i Hawaii, e a kaongoaki ibukin buan tamaoa ao bukin matena.

Kaobunang ao raona aika uoman, Teibouri Kakau ao Mamaia Bwebwetaake, a kitana Tarawa iaon kawaia n akawa n 4 Beberuare. A bon kaineta Maiana ngke aia intin e a karina n uruaki. Ngke a kuneaki Kaobunang ao Kakau, a tia ni beibeti n

raka iaon tengen ni kiromiita.

Raoia ae aia kateniman, Mamaia Bwebwetaake, e mate man te baki, tangiran te mooi ao man te riringa ao te aoi, tii teuana te wiiki imwaain ae a kuneaki.

Kaobunang ao ana utu bon kaain Ana Ekaretia Iesu Kristo Ibukiia Aika Itiaki ni Boong Aika Kaitira.

Te katautau bwa 16,000 I-Kiribati—ke temanna n ono-man te aomata i Kiribati—ae Aomata aika Itiaki ni Boong aika Kaitira. Iai 26 bootaki ni Moomon ni kabuta te aba. ■

*Ukenio kaobunang (atai) ao raona n akawa Teibouri Kakau a bon kamaiuaki imwiin 100 te bong ni bebeibeti i marawa. Tamnein Ukenio ma ana utu.*



ANGANANO NANA TAVINEI TE PUBLIC AFFAIRS LIBRARY

# Te Rau man te Tembora

Iroun Catherine Vaughan

**E**tuangiira booki aika tabu bwa iai kaitaran bwaai, ma n akeana ti aki kona n ata kaokoron te bwai ae mao man ae karewerewe.

Inanon maiura n taanga ti rinanon te kukurei ni karekeaia natira aika itiman ake a roko ibuakora. Ti rotaki n ara kataumwane ni karikirakeaia ara utu ngkai ti temanna ae mwakuri, ma ti kakabwaiaki man anga aika kakaokoro, ngkai ti beku ni katabeara aika kakaokoro, ao ni kakaonimaki ni maiuakina te euangkerio.

Ngke natira te aine Brittany ae uarereke e kabuanibwai ni bwabwa, n te 1998, bon te tai ae kangaanga nakoira ni kabane, ao ngai ma kainabau te mwaane ti noora ana kabebete te tembora, ni karau nanora. N ataia bwa utu ngaira aika ti a tia ni kabaeaki n akea tokina e uota nakoira te karaunano, ao ni buokiira n tokanikai iaon uruakin nanora.

Ti a tia n anganaki kabebeteara man buan natira te aine ae uarereke, ngke 6 te ririki imwiina, natira ae te ikawai ae nei Rebecca e karina n reke irouna te kaikeike, ao man mate n te tai naba anne. E a bon kan koro 20 ana ririki ao n tia ni mare ao iai natina ae 6 ana namwakaina.

Aio naba, ti a manga karekea naba karauan nanora man te tembora, ao ni karauaki nanora bwa natira aine ake uoman a tia ni kabaeaki nakoira n aki toki, ao ti na manga bon kaitibo ma ngaia n te tai teuana.

Te karawawataaki e reireiniira bwaai ae ti na riai n reiakinna. Rinanon te karawaawataki ao I reiakin atakin iai Tamau are i Karawa i bon irou. I ataia bwa E bon koaua. Ni bwaika a uarereke ma kakai aika uarereke ake a reke nakoiu, ao I ataia bwa E bon mena ikekei, ao E kinaai bwa antai Ngai. Ao E ataia naba bwa tera ae I namakinna.

Te ririki imwina, ti katauraoira ni karoan mwakurin te tembora ibukin ana ka-21 n ririki natira ae Rebecca. Ana koro n ririki e bwakara te bong ae te Kaonobong, ao ni kabane ara utu a na bane n nakon te tembora e ngae ngke ara ataei

aika uarereke a aki kona n rin. Ti tangira te bong anne bwa e na kakukurei, te tai n bukamaru, ao ni kauring bwa ara utu bon akea tokina.

Tebongina imwaain ana ka 21 Rebecca, I karekea te tareboon are I a kaongoaki iai bwa tamau e mate man okinakoana ae karina, ngke e kaea rarikin te kawai itinanikun ana auti. Te tia kabuta te ka e manging ao ni kabubuti n okinakoa, ao ni butinako ni kitanna irarikin te kawai.

Au moan iango are e roko bwa ti na taona mwanangara nakon te tembora. Ma ti namakinna bwa bon akea te bwai ae ti kona ni karoia ibukin tamau n te tai naba anne, ai ngaia are e a moan bwai moa karoakin te otenanti ni kamaiu ibukin Rebecca.

Ma e ngae n anne, taran mwanangara ae barongaaki raoi ai aron ae e a mangaongao. A roko tareboon ma irouia bureitiman ma rongorongan te aomata are e turaiwa man kabubuti, are nanona mwanangara nakon te tembora e na taonaki. Natira a korakai n nanokawaki ibukin kabuanibwai ao buan tibuia n te aro are a uruki nanoia iai. Ngke ti a roko n te tembora I namakina te korakai n aki raun au iango ni bwaai ake a riki tabeua te tai n nako. I namakina te aki rau ao te raraoma.

Ma ngke i tekateka n tain te entaumente ti-  
tion, I namakina te rau ao te kamanoaki bwa te eungkerio ao atakin te maiu ae akea tokina e bon ti kona ni karekea nakoira. I tuai karekea te namakin n aron aei, I tuai n rinanona, bwa tao ma irouia natiu aine aikai, ke tao tamau a kaoti nakoiu n te tembora. Ma I namakina te tamnei ni wirikiriki nakon nanou. I namakina te karaunano ma iroun Tamau are i Karawa ae tatangira

Iotebwa Timiti ngke e kairua bukinana ao ni kabureaki n te Karabuti i Liberty inanon namwakaina, e tang n takarua, “O te Atua, ko mena Ia Ngkai?”

N Doctrine ao Covenants, mwakoro 121, ti wa-reka ana kaeka te Uea nakon te tang anne. “Natiu temwaane, te rau nakoim: rawawatam ao am kangaanga a bon riai ma ti inanon te tai ae uarereke. Ao ngkane, ngkana ko tokanikai iaona, te Atua e na karietaatako.



### Tembora i Fiji

Ana taeka ni karaunano te Uea nakon Iotebwa Timiti n ana tai ni kainano, bon ti te arona naba ana berita ae E karoia nakoira inanon ara tai ni kataaki n ara onimaki: “Teimatoa . . . , tai maaku . . . , bwa N na mena irarikim n taai nako n aki toki.”

Ngkai ti nako n te tembora ao ni kauringii ara berita are ti karoia ikekei, e na buokiira n

taobarai kangaanga ao rawawata nako. Te tembora e kauringiira ara kouru ae akea tokina, n uota nakoira te rau—te rau e beritanaki iroun te Tia Kamaiu ngke E taekinna, “I katuka te Rau irouumi, I anganingkami au rau: tiaki ngke e anga te aba, ma ngke I anga. Tai kakorakaia nanom, ke tao ni karawawataea.” ■

# Karekean te Kimwareirei n te Babaire ni Kamaiu

## Iroun Salote Malani Maiwiriwiri

Bon te Ririki ae Boou n 2011, Ba ti kaitaraaki ngai ma buu Sakiusa ma teuana te kabanea ni kaangaanga ni kataaki ae ti tuai n rinanona mai imwaina. Natira te mwaane ae tenua ana ririki Esa e karinaki n te Tabo n Tararua Ibukiia Ataei aika Kakaiaki, n te Colonial War Memorial Hospital, ma te aoraki are e a tia ni karekea imwiin korean mamaana. E rangin n aoraki, ao a tuangiira taokita bwa e na bon aki maiu. E a tia n roko te tai aei n te tai ae mwaiti imwaina ni maiuina ae uarereke, ma I tuai n tauraoi ni butimwaea natiu nakon te maiu are imwiina. I taraiak nako nanona ao n iangoia bwa tera ae ti kona ni karaoia ni buoka natira te mwaane rinanon te kataaki aei. Imwiin karekean te kakabwaia, ti namakina ngkai ngaira ana karo bwa ti na manga rinanon ara reirei ake mai imwaina n ara Bootaki n Utu n te Tairiki bwa tera ae na riki ngkana ti mate. N te kakabwaia ti reireinaki bwa ti kainnanoia ni karekea te kimwareirei n te Babaire ni Kamaiu.

Esa e buokaki ni maiuna, ao ti te kawai ae ti kona n reitaki ma ngaia bon rinanon kamwakuran ukiniwaena. Ti moana te reirei teuana riki te tai, ni kataia n ingainga ao ni maiuakin ana kairi te Uea. Ti ataia bwa bon te kabanea n reirei imwain tokin maiuna ikai iaon te aba, ao ti uaia n namakina te kairoro bwa

e kainnanoia bwa e na ongora te rongorongo aei teuana riki te tai.

Ma ran ni matara aika waanako ti moanna n taekinna nakoina taekan tamneira, ao rabwatara, ni kabongana otangan te bai (glove) ao te bai ni kabwarabwaraa. Ti titirakinna, "Esa, ko uringnga bwa tera ae na riki Ngkana ti mate?" E ioi taboni waena. Ma nanora aika uruaki, ti tuangnga, "Iai iroum te rinerine ngkai ni waaki nakon te maiu are imwiina nakon Tamam are i Karawa, ke n tiku ma Tinam ao Tamam ikai iaon te aba. E nakoim te rineirine, ao ti tangiria n ataia ngkai ngaira

Tinam ao Tamam tera te rinerine ae ko na rineia, ao ti a kukurei naba iai. Bon iteran ana baire Tamara are i Karawa."

Imwiin rinanoan te reirei iaon te koaua aei ma ngaia riaon te roki, ti kitinna ao n tei irarikin ana kainiwene. Imwiin tao tebuina te teekan bukibukin buroona e moanna ni karaurau, ao ti ataia bwa e a roko te tai. Ti weteia neeti ao taokita. N te tai aei ao e kaonaki nanora ma te rau, ae akea ae kona n anga n te aonaaba aei. Ti a manga tua ngaki bwa ti na otinako.

Imwiin tabeua te miniti, ti a manga weteaki ni kaokaki

**Aia kabanea ni  
Kiritimati ana  
utu Maiwiriwiri  
ma Esa.**



ANGANANO NTAMININ SALOTE MALANI MAIWIRIWI AO NI KABONGANAKI MATE KARIAIA



**Ana utu  
Maiwiriwiri  
irarikin ruani-  
men Esa.**

nakon te ru. A tia taokita ni kатаia ni kamaiua, ao a bon mwa-kuri naba iaona. E rangin ni korakora nakon are ti iangoia. Ti a manga otinako man te ru teuana riki te tai, ao n tekateka n rau n te tabo n tataninga n te onaoraki. N te tai ae aki maan ti uaia n namakina te kimwareirei

ae nano inanora. Ti tebo ma te namakin are ti karekea n ara tai ni kabaeaki, nimaua te ri-riki imwaina. Bon kamatoan te koaua are ti a tibwa reiakinna irarikin ana kainiwene natira te mwaane. N akea te taeka, ti uaia n ataia ae natira te mwaane e a tibwa tia n rinanon te roki.

Ngke ti tabe n nakon ana ru, ti kaitibo ma neeti inanon kawaира, ma ti a Kaman ata te bwai are a ana tuangira.

Ngke ti rin nakon te tabo n taraua, ti namakina te rau. A tia taokita ni manga kataia ni kamaiua, ma ti ataia bwa e a tia Esa n rineia bwa e na nakon ara Tia Kamaiu, n aron are ti kabwarabwaraa n te kabanea n reirei n te Bootaki n Utu n te Tairiki. Ti ataia ae e a tia ni karaoa ana rinerine ni maeka n te tabo ae mena iai n te bong aei. Bon ngaia tamneina ae e ninikoria ae aki kainnanoa riki te rinanon te maiu ae mamate aei.

Maten Esa e a tia ni buokiira riki ni karekea te atatai ae itiaki iroun ara Tia Kamaiu, ao ana mwakuri ni kamaiu ae tamaroa. Ti a tia n rineia bwa ti na onimaki Irouna ibukin natira te mwaane, ao n ingainga nakon te bong are ti na manga kaitiboaki iai. Ana bane n reitaki ara utu n akea tokina, ngkana ti teimatoa n rinea ana babaire te Tia Kamaiu ae tangira.

Namakin aika ti namakin n te bong ae kananokawaki anne e a tia ni uota te kamatoa ae ti kona ni karekea te kimwareirei n taai ni buan raora temanna ae tangiraki. E ngae ngke e aki mena ikai natira te mwaane n te tai aei, ti ataia bwa ngkana ti kona n teimatoa ni uaa te toki, ao ti kona ni maeka ma ngaia n te bong teuana. Rinanon ara Tia Kamaiu Iesu Kristo ti kona ni kunea te kimwareirei ae na roko ngkana ti rineia bwa ti na ongotaeka nakon Ana kantaninga. ■